

## Thes. 3.

Cæterum non fit OMNIMODA SECRETIO contenti à continente, ut in Chymicis fit separationibus, sed crassiores tantum & viscidiores separantur feces, reliquis cum liquoris præcipitantis portione se amice jungentibus, quoniam in Chymicis nudæ tantum & superficiales sunt solutiones; in chymo vero est cum alimentorum solutione conjuncta fermentatio, & hujus medio simul quædam unio tertiique cujusdam productio.

## Thes. 4.

Bilis ergo in principio intestini duodeni pervasa choledocha permiscetur chylo, illa vero cum constet copioso sale volatili acri & retorrido temperato, quadam parte oleosa, dilutoque aqua sufficiente (ex quibus liquor ejusmodi flavescens componitur) chylum diluit, ejus crassitiem insigniter attenuat, eumque sic mobiliorem & fluxiorem reddit: sin hic simul SIT ACIDUS ejus acorem sui conjunctione in falsum volatile simul transmutat: est namque omne ACIDUM manifestum seu excessivum corpori, extra stomachum, INIMICUM, unde ut chylus interdum acidus temperetur, bilis est statuta, quæ sale suo urinoso acidum hoc egregiè temperat, eumque simul fluidiorem reddit. Vid. HELMONT. Tract. sextuplex digestio.

## Thes. 5.

Hic primus est usus ob quem chylo permiscetur bilis: secundus est communicare chylo primam pro sanguificatione dispositionem, beneficio sui sulphuristingentis, qui in se rubini instar nitet, in bile autem flavescit, instar rubicundissimæ auri Tincturæ sub corpore flavescente absconditæ, in chylo hæc Tinctura est invisibilis, cum ab acido falsove pancreatis succo obtundatur, cum non raram sit in Chymia liquores sanguine rubicundiores affusione acidi albescere & lactescere: ut in balsamo Sulfuris notissimum. Vitiato ergo bilis Sulfure, morbi ex deficiente hæmatosi orti v. gr. Jcteri, hydropes, cachexiæ, & fœdi virginum colores, in promptu sunt, de quo Vid. TACKIUS Chryzogon. animal. & mineral. p. 19. & 20. item MOEBIUS in fundament. p. 368, 369.

## Thes. 6.

Tertius quem bilis chylo præstat usus est, quod eum VI SUA BALSAMICA à corruptione & verminatione conservet, quam faciliè enim corpus ejusque humores in putredinem dilabantur, notum est, & in specie chylus ob assumpta tam animalia, quam vegetabilia, faciliè putrescentia & verminantia, vermibus admodum est obnoxius, necesse ergo est, ut in humoribus aliquod remedium præservativum delitescat, jam verò bilis tam interno quam externo usu vermibus, ceu putredinis inseparabilibus comitibus, est inimicissima, unde etiam quamdiu in intestina dilabatur naturaliter constituta, nulli unquam generantur lumbrici, cum ex obstructo ejus meatu subitò iidem propullulent. Est nempe in viventibus bilis id, quod in mortuis est aloë vel myrrha, omnem namque arcet corruptelam. Unde etiam hujusmodi simplicia amaricantia, aloë, absinthium, centaureum minus, rhabarbarum &c. vermes quocunque in loco enecant, & san-

gvinis ex deficiente vel vitiata bile defectibus medentur, bili scilicet in sua natura symbolizantia.

## Thes. 7.

Quartus tandem usus est fecum excretarum exclusionem promovere, non quidem stimulando intestina, sed feces tantum fluidas reddendo, quæ alias à succo pancreatico plane coagulata indurescerent, & difficulter in Intestinis moverentur: ut in hypochondriacis, scorbuticis, & quibus bilis vel vitiosa vel deficiens est, patet. Sunt enim feces alvi non acres stimulant, sed vel insipida vel subdulces aquosa, cum bilis amaror & succi pancreatici acor se mutuo temperando in falsum moderatum vel subdulce insipidum abeunt, unde & Clysteres emollientes sine ulla acrimonia, solummodo sua fluiditate intestino recto incumbentes idem stimulant pro fecum expulsionem. Sicut etiam urina solummodo vesicam distendendo sine acrimonia excretionem urget, & per consensum vicinitatis alvum stimulat. Omnia enim assumpta modo fluidas reddant feces alvum referatam promovent, sine ulla acrimonia, unde & bilis naturaliter diluendo feces earum excretionem promovet, sicut in nimia abundantia, fluidas nimis eas excernere facit.

## Thes. 8.

Hoc modo dum diluit & temperat chylum bilis unà cum eâ in homine, paulo inferius verò in aliis quibusdam animalibus, permiscetur succo ex pancreate ad intestina delatus, qui sæpius repertus est acidulus, interdum falsus raro insipidus alteriusve saporis, qui tamen temperatus est, parte quadam spiritus volatilis cum eo permista, de quo vid. GRAFF. de succo Pancreatico. Hic ergo succus aciditate vel falsedine sua quodammodo stipticâ, vel aliquali austeritate, in chylo à bile diluto & in falsum volatile transmutato, EFFERVESCENTIAM blandam cum sale bilis urinoso excitando, crassiores chyli partes (eas forsitan leniter COAGULANDO) separat & præcipitat cum iisque ex parte bilis falsiore sese partim, permiscet, partim verò cum chymo laudabili cui colorem album conciliavit, & bilis parte volatiliore in unum corpus abit ad sanguineam massam ablegandum de quo vid. SYLVIVS in dissertat. Medic. 2.

## Thes. 9.

Hanc ab his duobus succis fecum separationem confirmant ij, qui COELIACO laborant affectu, item ICTERO, in quibus ex horum ductuum obstructione, impedito liquorum transitu, FECES CHYLOSÆ excernuntur: prout ergo naturaliter vel præternaturaliter constituti sunt Succis, bona vel mala sit chyli dispositio & excrementorum separatio, indeque variorum morborum exsurgunt origines.

## Thes. 10.

Hi duo liquores præter dictos usus etiam piritam seu mucum intestinorum parietibus adhaerentem colligunt, attenuant, & incidunt, & sic cum eo per ordinarios ductus partim sanguinis infunduntur, partim verò per alvum exonerantur, Est autem mucus ille nil aliud, quam crassior chyli pars, dum ejus tenuiores portiones per intestino-